



REPUBLIKA E KOSOVËS  
REPUBLIKA KOSOVA - REPUBLIC OF KOSOVA  
KOMUNA E GJILANIT  
OPŠTINA GNJILANE / MUNICIPAL GJILAN / GILAN  
BELEDIYESI



**Drejtoria për Mbrojtje dhe Shpëtim / Direktorat za Zaštitu i Spas / Department of  
Protection and Rescue**

Gjilan, Rr. "Bulevardi i Pavarësisë", tel: 0280/320-387, 0280/320-111, e-mail: [sami.s.spahiu@rks-gov.net](mailto:sami.s.spahiu@rks-gov.net)

REFERENC-Ë:	<b>NR 11-171/10</b>				
PËR/ZA/TO:	Lutfi Haziri-Kryetar i Komunës Gjilan				
CC:					
PËRMES/PREKO/THROUGH:					
NGA/OD/FROM:	Sami Spahiu - drejtor i Drejtorisë për Mbrojtje dhe Shpëtim				
TEMA/SUBJEKAT/ SUBJECT:	<b>Raporti nëntë mujor Janar-Shtator 2019</b>				
Nr. i Zyrës:		Lokacioni:		Data:	
Br.Kancelarije:		Lokacija:	GJILAN	Datum:	<b>23.10.2019</b>
Room No:		Extencion:		Date:	

Në kuadër të planit të punës për vitin 2019, Drejtoria për Mbrojtje dhe Shpëtim në periudhën nëntë mujore të vitit 2019 aktivitetin e saj e bazon në këtë planin të cilin e harton në fillim të çdo viti kalendarik.

Plani i punës së Drejtorisë për Mbrojtje dhe Shpëtim (DMSH), mbështetet në rregulloret dhe ligjet në fuqi, si në Ligjin mbi Fatkeqësitë Natyrore dhe Fatkeqësitë Tjera, me nr:04/L-027; Ligjin e Mbrojtjes nga Zjarri nr 04/L-012, Ligjin për Zjarrfikje dhe Shpëtim me nr: 04/L-049, Ligjin përkatës Komunal, udhëzimet-rregulloret përkatëse të lëmisë së emergjencave, të cilat kanë fushëveprimtarinë në menaxhimin e situatave Emergjente duke bërë identifikimin, lajmërimin dhe alarmimin me kohë të situatave të cilat kanë të bëjnë me atakimin e jetës së njerëzve dhe të mirave materiale në Komunën tonë, për të cilën veprimtari ka hartuar edhe plane konkrete si Planin e Vlerësimit të Rrezikut, Planin Operativ Emergjent, plane kontingjente etj.

Duke u bazuar në përgjegjësitë dhe ligjet në fuqi, DMSH ka marrë masa të nevojshme për parandalimin e fatkeqësive të ndryshme, ku ka përcjellë aktivitetet e subjekteve relevante duke bërë koordinimin me këto subjekte, varësisht nga karakteri, lloji i fatkeqësive dhe përmasat e shkallës emergjente.

Puna e DMSH, është në m' varësi nga faktorët e ndryshëm natyror por edhe faktorëve tjerë njerëzor e teknologjik, andaj aktivitetet e DMSH janë sipas intensitetit të këtyre faktorëve që cekëm më lartë dhe faktorëve të tjerë që përcaktohen nga kushtet e përgjithshme shoqërore dhe klimatike.

Në kuadër të tërë kësaj, do ta paraqesim raportin sipas kronologjisë së aktiviteteve të zhvilluara për nëntë mujorin e këtij viti:

- Në këtë vit është filluar me hartimin e planit të punës për vitin 2019. Në bazë të kësaj, me kërkesë të AME-së, është hartuar edhe lista e trajnimeve të nevojshme të zyrtarëve me qëllim të ngritjes profesionale të shërbimit të zjarrfikjes. Në këtë vit si rezultat i angazhimit të madh të Akademisë në Vushtrri, trajnimet nuk janë mbajtur me kohë, por që në fund të këtij nëntë mujori, është duke u trajnuar grupi i parë i Personelit Profesional të Zjarrfikësve dhe Vullnetarët nga Shoqata e Zjarrfikësve në Gjilan.
- Në këtë periudhë DMSH, ka marrë masa e nevojshme për parandalimin e fatkeqësive të ndryshme si dhe ka përcjellë aktivitetet e subjekteve relevante duke bërë koordinimin me to varësisht nga karakteri, lloji dhe përmasat e fatkeqësisë.
- Në bashkëpunim me Zyrën e Kryetarit, Drejtorinë e Shërbimeve Publike dhe të gjithë faktorët tjerë përkatës, përgjatë këtij nëntë mujori, janë koordinuar aktivitetet e ndryshme në intervenime të përbashkëta në dalje në ndihmë qytetarëve për eliminimin e rrezikut nga zjarret, vërshimeve, stuhive dhe rreziqeve nga fatkeqësitë të tjera.
- Me 7 mars 2019, rreth orës 14:10, Komuna e Gjilanit kishte një fatkeqësi komunikacioni me fatalitet, me shumë të lënduar dhe dëme materiale. Automjeti Kamion tipi Scania me ngarkesë ujë të pijshëm, është dalë nga kontrolli si pasojë e mos funksionimit të frenave në fillim të rrugës “Idriz Seferi” dhe ka përshkuar të gjithë rrugën deri tek rrethi në qendër të qytetit tek Hotel “Kristal”. Si pasojë e kësaj fatkeqësie në komunikacion, kishim një qytetar të vdekur, 21 kanë marrë lëndime të rënda dhe të lehta, të cilët janë dërguar me urgjencë në Spitalin Regjional në Gjilan dhe tre prej tyre janë dërguar në QKUK. Dëme materiale kanë qenë 11 vetura të dëmtuara, dy shtylla elektrike, dy drunjë, një City Light i reklamave, katër tabela trafiku etj. Pas aksidentit, në vend të ngjarjes kanë dalë menjëherë të gjitha ekipet komunale emergjente nën mbikëqyrjen e tërësishme të shtabit të emergjencave të udhëhequr nga Kryetari i komunës z.Lutfi Hazri, ku kjo fatkeqësi është menaxhuar me përgjegjësi të lartë profesionale.
- DMSH, në këtë nëntë mujor, ka vazhduar të identifikoi objektet të cilat paraqesin rreziqe të ndryshme për qytetarët. Objekte të tilla janë për shkak të vjetërsisë dhe mos mirëmbajtjes së tyre, si dhe objekte të pa banuara që nga paslufta si në rastin në Lagjen “Avdulla Presheva”, gjithashtu disa objekte Institucionale në qytet e rrethinë dhe objekte private sipas kërkesave të vetë qytetarëve.
- Ky fillim vit, në vazhdimësi deri më tani është karakterizuar me zjarre të hershme në mungesë të të reshurave, e sidomos në periudhën shkurt (62 zjarre) dhe mars (117 zjarre) të këtij viti, kemi pasur rritje të intervenimeve në shuarjen e zjarreve. Pas tremujorit të parë ne kemi marrë masat e duhura në ngritjen e gatishmërisë me zyrtarët e DMSH, Njësisë Profesionale të Zjarrfikësve, ku kemi mbajtur disa takime me faktorët Komunal Emergjent:

si me Policinë e Kosovë, Zyrën operative Emergjente 112, Inspektoratin e Zjarrfikjes së AME, zyrtarët e Pylltarisë, ku jemi dakorduar në marrjen e masave të duhura dhe në vazhdimësi kemi vazhduar bashkëpunimin mes këtyre Institucioneve.

- Pas këtyre masave që kemi marrë, kemi bërë një fushat vetëdijesuese për qytetarët përmes njoftimeve të përgjithshme, si: komunikimit të drejtpërdrejt me qytetarë, këshillave të lagjeve dhe fshatrave, postareve, mediave elektronike dhe rrjeteve sociale me qëllim të njoftimit dhe të vetëdijesimit të qytetarëve në parandalimin e zjarreve fushore dhe pyjore. Si rezultat i këtyre masave, gjate sezonit të nxehtë veror, përkundër temperaturave shumë të larta, ne kemi pasur rënie të dukshme të zjarreve malore dhe atyre fushore në muajt: korrik (38 zjarre), gusht (63 zjarre), ku këto zjarre janë intervenime të ndryshme dhe shumë pak fushore dhe asnjë malore. Kemi pasur bashkëpunim dhe koordinim të mirë mes institucioneve, gjithashtu edhe vetëdijesimi dhe kujdesi i vetë qytetarëve në parandalimin e zjarreve.
- Në fillim të këtij nëntëmujori, DMSH ka sjellë një donacion shumë me rëndësi nga Zvicra përmes Rotary Club Gjilani. Donacioni është Kamion për Intervenime të ndryshme Teknike për Shërbimin e Zjarrfikjes dhe Shpëtimit në Gjilan. Ky ka një gjenerator elektrik që jep rrymë 30 km/h, reflektor për ndriçim 4000 wat dritë dhe shumë pajisje tjera për intervenime të ndryshme.
- Në bashkëpunim me AME-në, është mbajtur simulim një ditë për tërmetet me mjetin profesional simulues për tërmete në hapësirat e oborrit të shkollës fillore “Selami Hallaqi”, me çka kanë marrë përvojën e duhur mbi 400 nxënës të shkollave të komunës sonë.
- Njësinë profesionale të Zjarrfikësve e kemi furnizuar me tri pompa profesionale të ajrit të llojit STIHL Br 600 për fikjen e zjarreve, të cilat shërbejnë dhe lehtësojnë punën në fikjen e zjarreve malore dhe fushore.
- Me kërkesë të Drejtorisë së DMSH-së, në bashkëpunim me Kompaninë “Hidromorava”, është krijuar grupi i përbashkët punues, në Hartimin e Projektit të Hidrantëve Publik. Si pjesë e parë e këtij grupi profesional të punës, është arritur të aftësohen shtatë pika furnizuese të Hidrantëve në qytetin tonë të cilët më herët kanë qenë jashtë funksionit.
- Për shkak të thatësisë dhe mungesës së ujit në disa pjesë të qytetit, në bazë të situatës dhe gjendjes së krijuar, DMSH ka hartuar Planin Kontingjent për përballimin dhe Menaxhimin e Mungesës së ujit të Pijshëm-Thatësisës, i cili është dorëzuar me kohë zyrës së Kryetarit.
- Gjithashtu, DMSH ka hartuar dokumentin për sigurim të Objekteve që menaxhohen nga Komuna e Gjilanit, të cilën e ka dorëzuar në zyrën e Kryetarit dhe zyrën e Prokurimit.
- Jemi angazhuar në identifikimin e familjeve në nevojë për banim social përmes zyrtarit të DMSH-së, në Komisionin e formuar nga Kryetari i Komunës.

- Gjithashtu DMSH, përmes zyrtarit është angazhuar dhe kemi marrë pjesë në Komisionin për dezinfektimin, dezinfektimin dhe deratizim (DDD) të objekteve dhe hapësirave publike i krijuar nga zyra e Kryetarit.
- Janë implementuar më shumë se 100 aktivitete të ndryshme në kuadër të drejtorisë të evidentuar në librin zyrtar të protokollit si: kërkesa, përgjigje, procesverbale, propozime, rekomandime, vërtetime, autorizime etj.
- Nga raporti i nëntë mujor i Intervenimeve në Njësinë Profesionale të Zjarrfikjes dhe Shpëtimit (NjPZSh) për këtë periudhë janar-shtator 2019, kemi 414 intervenime në zjarre të ndryshme, 50 intervenime teknike, 16 shërbime të ndryshme, 8 lajmërimet të rrejshme, 7 vërshime, gjithsejtë deri më tani janë 495 dalje ose intervenime të përgjithshme nga NjPZSh.
- Nga raporti nëntë mujorë i Inspektoratit për parandalimin e zjarreve, për këtë periudhë nëntë mujore ( janar-shtator 2019) janë kryer inspektime të rregullta me ç'rast janë hartuar procesverbale dhe vendime, gjithashtu janë lëshuar, vërtetime mbi gjendjen e sigurisë nga zjarri të subjekteve të ndryshme, vërtetime mbi zjarrin e ndodhur në objekte të ndryshme kryesisht të sektorit privat, njoftime për Njësinë e Hetuesisë së Policisë së Kosovës në Gjilan. Gjithashtu janë lëshuar edhe pëlqime të dokumentacioneve teknike në sektorin publik dhe atë privat në Komunën e Gjilanit. Nga aktivitetet e kësaj njësie kemi 184 Inspektime, 184 sektori i pasurisë, nga objekte të inspektuar sipas kategorisë 197, masa të propozuara 647, aktvendime të marra 25, masa të urdhëruara 104, pëlqime në dokumentacioni investivo teknik 4, vend shikime të zjarreve 18.

Me respekt!